

武昌府告示爲出示曉諭。酌減徵漕章程。刪除浮費。以甦民困事。案奉 撫憲札飭。湖北漕務積弊。民苦浮勒。官無經制。其取於民者厚。其交於公者微。類皆中飽於丁船雜費。及上下衙門一切陋規。現值停運之時。奉 部文折價充餉。急應清釐積弊。取中飽之資。以分上下。於

國計民生均有裨益。惟各州縣情形不同。其如何分別刪減。定立章程。應由道府大員親詣督查。以杜州縣官吏隱匿趨避。而收實效。飭委本攝理府親詣所屬各州縣。體察情形。核其徵收兌運實費。遵

照部案折價充餉。其浮勒積弊太甚之州縣。酌定刪減。並將節省免運之費提解充餉。裁汰浮費。實屬有益於民。有益於

帑。務須認真督查。因地制宜。妥協議擬。定限九月以前通稟酌辦。勿稍徇延等因。奉此。當經轉行遵照。將徵收兌運漕糧一切費用。實帳開呈去後。茲據崇陽縣稟。徵收漕南米石用帳前來。

OMITTED TEXT

自此次定

章之後。官吏丁役如敢格外多索。一經訪聞。或被告發。丁胥立拏杖斃。官則專案嚴參懲辦。除詳明

院憲一面札飭崇陽縣遵照開徵外。合行臚列。刪  
除浮費。剴切示諭。爲此示。仰崇陽縣紳衿士庶人  
等知悉。爾等須知。撫憲及本攝理府體恤民艱。  
痛裁浮勒。酌減定價之苦衷。按照舊章。大加刪減。  
每石定以足錢四千文。一律折收。耗米水脚票費  
一併在內。此外不准多索民間分文。爾紳民亟應  
激發天良。踴躍輸將。務將應完本年漕糧米石。趕  
緊遵照此次定章。年內掃數全完。該紳民等如果  
不知自愛。有意抗違。定拏照例治罪。決不寬貸。切  
切特示。